

Poštovani autori, članovi AMUS-a.

Pred vama je prvi broj Autorskih novina. Namjera nam je da vas informišemo o operativnim informacijama iz našeg rada koje mogu biti zanimljive i vama. Želimo vas upoznavati sa aktuelnostima u vezi s autorskim pravima, novostima o radu i rezultatima Asocijacije AMUS kao i živom napretku koji posljednjih sedmica bilježi AMUS Stručna služba (AS). Trudićemo se da u redovnim razmacima sa vama dijelimo informacije koji ocijenimo da zaslužuju vašu pažnju. Ti će razmaci ovisiti o broju zanimljivih i korisnih informacija koje se nakupe, ali je za očekivati da u početnom periodu Autorske novine dobijate dva puta mjesečno.

Ovim vidom komunikacije sa autorima ćemo najavljevati i naše redovne obilaskе po BiH na kojima uspostavljamo efikasniju i sveobuhvatniju saradnju sa nadležnim institucijama (MUP-ovi, tržne inspekcije, SIPA, ministarstva kulture...) kao i korisnicima sa kojima imamo ugovorni odnos. S početka naredne godine ćemo početi i sa prvim sudskim procesima u vezi s nedozvoljenim korištenjem muzike bilo da se radi o elektronskim medijima, kablovskim operaterima, ugostiteljskim objektima ili drugim korisnicima. Svaki od tih puteva po BiH biće prilika da se susretnemo sa autorima iz tog kraja naše zemlje, odgovorimo na vaša pitanja, saslušamo vaše savjete i planiramo dalje aktivnosti. Uvijek smo spremni upitati i saslušati autore za savjet u vezi sa djelovanjem na „njihovom terenu.“ Naravno, uvijek nam se možete obratiti putem naših mail adresa kao i telefona.

Nadamo se uspješnoj i dobroj kolegijalnoj i poslovnoj saradnji

Lijep pozdrav,

Mirza Hajrić, generalni direktor  
AMUS Stručna služba

NASLOVI :

- NOVI KONTAKTI U UDRUŽENJU
- USPJEŠNO FINALIZIRAN PRVI SLUČAJ ZAŠTITE DJELA VAN BiH
- POKRETANJE INDIVIDUALNIH TUŽBI PROTIV SINE QUA NON doo (prilog)
- STANJE SA NABAVKOM SOTWARE-a ZA AUTOMATSKO PREPOZNAVANJE IZVEDENIH DJELA
- UGOVORI SA ELEKTRONSKIM MEDIJIMA
- REKLAMNI RADIO I TV JINGLE (prilog)
- STAV UPRAVNOG ODBORA U VEZI SA NEODLASKOM BIH NA EVROVIJIZU

**NOVI KONTAKTI U UDRUŽENJU**

Novi telefonski broj na koji možete dobiti AMUS-Stručnu službu je 033 205 600. Telefon i faks Udruženja AMUS ostaje 033 218 258. Inače, Udruženje je smješteno na adresi Obala Kulina bana 22, Sarajevo.

Ovih dana će biti promovirana nova web stranica Udruženja [www.amus.ba](http://www.amus.ba) . Promociju ćemo posebno najaviti.

Autori će moći dobijati servisne i druge informacije, povući formulare za prijavu djela, pristupnicu AMUS-u i slično na servisnom dijelu weba udruženja [www.amus-strucna-sluzba.ba](http://www.amus-strucna-sluzba.ba). Taj dio weba udruženja posebno je namijenjen uslugama autorima i korisnicima.

Autori tu mogu putem svoje lozinke provjeriti svoj kompletan repertoar, prijaviti promjene podataka o sebi i svojim djelima. A korisnici muzike, bilo da se radi o ugostiteljima, elektronskim medijima, kablovskim operaterima, organizatorima koncerata ili drugim vidovima javnog izvođenja muzike, putem ove usluge će moći povući formulare za prijavu korištenja mehaničke i žive muzike, formulare za prijavu izvedenih djela, informisati se o važećim tarifama, zakonskim i kaznenim odredbama, dobiti upute za korištenje softvera, itd... na taj način ćemo djelomično pojednostaviti i ubrzati administrativni proces rada oko ugovora/dozvola za korištenje muzike.

**USPJEŠNO FINALIZIRAN PRVI SLUČAJ ZAŠTITE DJELA VAN BiH**

AMUS Stručna služba je uspješno privela kraju zatupanje našeg člana Emira Juge u slučaju nedozvoljenog korištenja njegove pjesme „Ne sam Safete“ u filmu Erica Cantone „Fudbalski pobunjenici.“ Po Miromirovom ovlaštenju, u septembru smo stupili u kontakt sa francuskom producentskom kućom „13Productions“ i utvrdili da se radi o nevinoj grešci, odnosno nenamjernom nedozvoljenom korištenju muzike u filmu.

Producent je prihvatio odgovornost, napisao pismo izvinjenja, te se obavezo da će prilikom svakog budućeg prikazivanja ovog filma u najavi biti istaknut i Emir Jugo kao autor muzike za pomenuto djelo. Naravno, autor je dobio i zadovoljavajuće finansijsko obeštećenje čime je ovaj slučaj kršenja autorskog prava riješen.

#### POKRETANJE INDIVIDUALNIH TUŽBI AUTORA PROTIV SQN doo (prilog)

Davor Sučić alias Sejo Sexon je bio vrijedan posljednjih mjeseci i uz pomoć advokata Bekira Gavrankapetanovića i savjete AS-a pripremio individualnu tužbu protiv Sine Qua Non agencije. Sula se odlučio na tužbu nezadovoljan neprijemerenom isplatom tantijema. U prilogu ovom mailu je attachment i zainteresovani autori se mogu upoznati sa načinom na koji se može pripremiti tužba. Naravno, AS stoji na raspolaganju za svaki savjet i pomoć svakom članu AMUS-a koji se odluči na taj korak.

#### STANJE SA NABAVKOM SOTWARE-a ZA AUTOMATSKO PREPOZNAVANJE IZVEDENIH DJELA

Pripreme za nabavljanje software-a za uatomatsko prepoznavanje izvedenih djela u emitovanju na elektronskim medijima su u završnoj fazi.

KONCEPT SOFTVERSKOG RJEŠENJA Od početka rada u AMUS-u, generalni direktor AS-a je upoznao UO sa konceptom softverskog rješenja koji je prihvaćen i koji se bazira na najtransparentnijem postojećem modelu. Tako će svaki član AMUS-a ulaskom u web pod svojom lozinkom imati potpuni uvid u sva njegova registrovana izvedena djela. Autor član Udruženja će znati koje je djelo, kada i na kojem elektronskom meidju izvodjeno. Takodjer, planirano je da će na webu biti svi izvještaji emitovanih pjesama koje će dostavljati elektronski mediji. Tako će član imati uvid u ukupno korištenje repertoara, odnosno emitivane pjesme svih elektronskih medija u sistemu.

Iz tih izvještaja će se, kako Zakon o kolektivnom ostvarivanju autorskog i srodnih prava predvidja, crpiti informacije iz kojih će se sačinjavati izvještaji izvedenih djela prema kojim će se vršiti isplata.

Takodjer, moće će se direktno preko weba pratiti i identifikovati djela po elektronskim medijima koja se u tom trenutku izvode. Ulaskom u svoj portfolio na webu autor će imati uvid u svoj ukupan registrovani repertoar i moće će provjeravati sve podatke u vezi s tim.

POSJETA CRNOJ GORI Nakon pripremnih komunikacija sa kolegama iz sestimske organizacije PAM Crne gore, članovi Upravnog odbora Nedim Babović i Igor Ražnatović, te Mirza Hajrić i Ugor Kučinović iz AS-a su boravili u jednodnevnoj posjeti Podgorici. Tamo smo se upoznali sa radom crnogorskog udruženja a predstavljen nam je i njihov softverski sistem. Zaključak na UO Udruženja je bio da predstavljeni sistem u potpunosti zadovoljavaju kriterije.

U toku su pregovori sa kompanijom koja je vlasnik software-a koji koristi crnogorsko udruženje. Ukoliko se ne postigne dogovor o cijeni postojećeg software-a, u slijedećih 15 dana pristupiće Javnom pozivu putem sredstava informisanja za domaće firme koje će na istim principima napraviti sistem koji će obuhvatiti i radio i TV emitere, kao i internet medije. Izbor softverskih rješenja je prioritetni zadatak i o tome ćemo vas obavještavati do okončanja tog procesa.

#### UGOVORI SA ELEKTRONSKIM MEDIJIMA

Protelih deset godina obilježili su veoma loši odnosi Sine Qua Non doo i elektronskih medija. Oprečne interpretacije (ne)postignutih dogovora i sporazuma su iza nas.

Poštujući sve zakonske odredbe potpisan je Kolektivni ugovor sa tri udruženja elektronskih medija AEM, PEM i URS koji je objavljen u Službenom glasniku BiH broj 80 od 9.10.2012.godine a u cijelosti će biti dostupan i na našoj web stranici. Po utvrdjenom Kolektivnom ugovoru koji je uredio i tarife za dobijanje dozvola za korištenje muzike u pojedinim kategorijama elektronskih medija, pristupili smo procesu potpisivanja individualnih ugovora. Do sada, 15 dana prije isteka roka za neke, imamo preko 50 ugovora. Među njima su i Radio stanice : Radio M, Bobar, Studio 88, Radio Q, Hard Rock Radio, Feral-Tuzla, TNT – Travnik, Kastel, Kreativni mediji Posušje, Free, ViK, Studio D, UNO, Skala, Velkaton, DAŠ, VISTA, Preporod-Odžak, Glas Drine - Sapna, Antena – Tešanj, Radio Feniks-ALFA, Studio N, Kostajnica, Prača, Medjugorje, Konjic, Kladanj, Bileća, Sana, Kakanj, Vitez, Breza,

RTV stanice : RTB BN – Bijeljina, RTV 7 – Tuzla, RTV SLON, RTV 8 i niz lokalnih TV stanica.

TV stanice : HAYAT, TV Kantona Sarajevo, BHB CABLE TV, BEL TV, ASTRA MEDIA D.O.O. BIJELJINA "TV ARENA" – Bijeljina, KG-1...

#### REKLAMNI RADIO I TV JINGLE

U attachmentu je i spot koji ovih dana možete pogledati u programima elektronskih medija (koji imaju zaključene ugovore sa AMUS-om). Spot je promotivnog karaktera i sa porukom namijenjenom ugostiteljima. Za izradu ovog jingla zahvalnost dugujemo Jasni i Pjeru Žalici.

**Sretne božićne i novogodišnje praznike članovima AMUS-a  
želi vam vaša AMUS Stručna služba**